

## AKILERAARTARNERMUT PISORTAQARFIK

Ulloq - Den 1. december 2006

INFOB 4/2006

### *Akilerartarnermut Pisortaqarfimmi sulisitsisut allattorsimaffiannut nalunaarsuiffik il.il. pillugit, sulisitsinut paasissutissiineq.*

Akileraaruserinermik suliaqarfik allannortiterneqassasoq aammalu qitiusumit ingerlanneqalissasoq Inatsisartut aalajangiuppaat. Suliassaq tamanna kommunit akileraaruseriffiinit aammalu Akilerartarnermut Pisortaqarfimmit maannamut ingerlanneqarsimavoq, 1. januar 2007-imiilli suliassaq tamakkiisoq Akilerartarnermut Pisortaqarfimmiit ingerlanneqalersussaalluni.

Tassunga atatillugu kommunit sulisitsisunut allattorsimaffiini sulisitsisutut ingerlassaqarlutik nalunaarsortissimasut tamakkerlugit, Akilerartarnermut Pisortaqarfiup sulisitsisut allattorsimaffiannut nalunaarsorlugit nuunneqarput.

Kalaallit Nunaanni namminersorlutik inuussutissarsiuteqartut tamavimmik Kalaallit Nunaanni Inuussutissarsiuteqarlutik Ingerlassaqartut Nalunaarsuiffiani allattortittussaapput (Grønlands Erhvervsregister) aamma allattortinnermi GER-normumik (IIN-normu) tunineqarlutik. Normu taanna sulisitsisutut normutut atorneqassaaq.

Suliffeqarfik (inatsisit naapertorlugit tassunga atatitaaq) taamaallaat ataatsimik IIN-normoqartinneqassaaq (GER-nr.).

Tunngaviusumik paasissutissat allannguuteqartissinnaanerinit paasissutissat il.il. soorlu assersuutigalugu suliffeqarfiup aqqanik aamma najugaanik allannguutit aamma suliffeqarfiup taamaatinneranut nalunaarutit taamaallaat Kalaallit Nunaanni Inuussutissarsiuteqarlutik Ingerlassaqartut nalunaarsorsimaffiannut INN-imut (Grønlands Erhvervsregister GER), P.O. Box 1601, 3900 Nuuk, oqarasuaat 345637, fax nr. 328829 aamma E-mail: "[ger@gh.gl](mailto:ger@gh.gl)"-imut nalunaarutigineqassapput.

Sulisitsisutut unerartitsisussaataitanermut taamaatinnerit Akilerartarnermut Pisortaqarfimmut sulisitsisut allattorsimaffianut taamaatinnermiit ullut qulit (10-t) qaangiutsinnagit nalunaarutigineqassapput aamma suliffeqarfittut taamaatinnerup kingorna ullut qulit (10-t) qaangiutsinnagit ukiup ingerlanerani aningaasarsianik A-nik akissarsititsisimanerit il.il. pillugit akissarsiat allagartaannik

aamma akissarsiaritissimasat nalunaarusiornerinik nassiussisoqassaaq, taakkunanngalu akileraarum-mik A-nik unerartitsinerit pillugit nalunaaruteqassallutik.

Qaammammi unerartitsiviusussaasumi aningaasarsisitsinerit A-nik aammalu akileraarutit A-nik unerartitanik sukumiisumik nalunaarusiornerit, kingusinnerpaamik qaammatip unerartitsiviusup tulliani ullormi kingullermi Akileraartarnermut Pisorta qarfirmut tunniunneqareersimassapput.

Nalunaaruteqarneq allaffissianut A1-imut (sukumiisumik nalunaarutit) atuinikkut tunniunneqarsin-naavoq imaluunniit Akileraartarnermut Pisorta qarfiup nittartagaatigut toqqaannartumik ingerlanne-qarsinnaalluni aammalu elektroniskiusumik nassiussinikkut nalunaarusiorsinnaaneq aammattaaq pe-riarfissaalluni.

Sulisitsisutut nittartakkakkut nalunaaruteqarsinnaanermut periarfissaqarumallutik kissaatigisaqartut, faxikkut, E-mailikkut allattortissinnaapput, tamatumalu kingorna suliffeqarfirmut isissutissamik paasiuminaallisagaasumik (pinkode), suliffeqarfiup Akileraartarnermut Pisorta qarfiup nittartagaanik atuisinnaanermut kinaanermik ilisarnaataasussamik, nassitsikkumaarlutik. Nittartakkakkut nalunaa-riteqarsinnaaneq imatut paasineqassaaq, Akileraartarnermut Pisorta qarfiup nittartagaani elektronis-kiusumik sukumiisumik nalunaarusiorfissamik immersuinikkut allattuiffimmik inaaliisoqarpoq, su-kumiisumik nalunaarutip assinganik, tassani sulisitsisup normua, inuttut normut, kommunit akile-raarfiit, aningaasarsiat A-t, akileraarutit A-t aammalu sulisoqarnermut akitsuut (AMA)-imik paasis-sutissanik nalunaarusiorsinnaavoq. Aaqqissuussinerup paasissutissat tunniunneqartut eqqaamasin-naavai aammalu sulisitsisup paasissutissat pineqartut pillugit qaqugukkulluunniit allagannqortitsil-luni anisissinnaallugit aammattaaq piffissami siusinnerusukkut sukumiisumik nalunaarutit tamar-mik.

Aammattaaq sulisitsisunut periarfissaassaaq nittartakkakkut sukumiisumik nalunaaruteqarsinnaallu-ni fil-imik semikolonnik (;) agguataaruteqartumik sanaamik atuaasitsinikkut (indlæsning af semi-kolonsepareret fil). Tamatumunnga paasissutissat erseqqinnerusut pillugit aamma fil-imik atuaasit-sisinnaanermut akuersissummik Akileraartarnermut Pisorta qarfirmut sulisitsisut allattorsimaffian-nut nalunaarsuiffimmut saaffiginnissuteqarnikkut pissaaq.

Sulisitsisup kissaatigippagu sukumiisumik nalunaaruteqarneq Akileraartarnermut Pisorta qarfirmut elektroniskiusumik tunniussinikkut pissasoq, taava sulisitsup qaammatit tamaasa fil-imik semiko-lonnik agguataaruteqartumik sanaamik atuaasitsisassaaq. Tamatumunnga paasissutissat erseqqin-nerusut, fil-imik sukumiisumik nalunaaruteqarnikkut pisinnaanerannut akuersissuteqarnissamut tun-

ngasut, Akileraartarnermut Pisortaqarfimmut sulisitsisut allattorsimaffiannut nalunaarsuiffimmut saaffiginnissuteqarnikkut pissaaq.

Aningaasarsianik A-nik akileraarutinillu A-nik sukumiisumik nalunaarusiornikkut kisitsisinik tamakkiisunik taamaallaat nalunaaruteqarsinnaanerigaluaq atorunnaarsinneqassaaq.

Sulisitsisut ukiumut ataasiarlutik imaluunniit qaqutigut aningaasarsianik A-nik akiliuteqartartut periarfissaqarput qaqutigoortumik sukumiisumik nalunaarusiorsinnaanermut (sporadisk redegørelse) akuersissummik pinissamik. Tassa imaappoq nalunaaruteqartoqartassaaq, tassunga imaluunniit qaammammi taassani aningaasarsititsinermi tunniussiffiusuni. Taamatut periarfissaqarumalluni qinnuteqarnek Akileraartarnermut Pisortaqarfimmut sulisitsisut allattorsimaffiannut nalunaarsuiffimmut pissaaq.

Qaammammi unerartitsiffiusumi akileraarutit A-t unerartinneqartut qaammatip tulliuuttup ulluisa kingullersaanni (arfininngornerit minillugit) Akileraartarnermut Pisortaqarfimmut akilerneqassapput. Akiliuteqarnerit pissapput FI-kortit atorlugit taakkulu allakkerivitsigut, nassitsisarfitsigut, aningaaserivikkut nuussinikkut imaluunniit angerlarsimaffimmiit aningaaserivikkut nuutsinikkut (homebanking).

Akiliuteqarnerit kommuninut pisinnaangillat.

Sulisoqarnermut akitsuutip (AMA), januaarip aallaqqaataani 2007-imiit, sulisitsisut inuussutissarsiuteqarnermut ilinniartitseeqqittarnermut akiliutaat (AEB)-imut inatsisip taartaa, qaammammut sukumiisumik nalunaarusiornermut ilanngullugu nalunaarutigineqartalissaaq aamma akileraarutit A-t unerartitanit akilerneqarneranni ilanngullugu akilerneqartartussaalluni.

Unerartitsisussaanermut tunngatillugu aaqquissuussinerit il.il. pillugit apeqquissaqartoqassappat, apeqquiti Jørgen Olsenimut oqarasuaat 346513 imaluunniit Hans Eriksenimut 346511, Akileraartarnermut Pisortaqarfimmut sulisitsisut allattorsimaffiannut nalunaarsuiffimmut, fax. nr. 322042 aammalu E-mailikkut: ”[sulinal@gh.gl](mailto:sulinal@gh.gl)”-imut saaffiginnissuteqarnikkut pisinnaavoq.